



Da hung, ndaeng mboep, bak iq……Neix couh dwg yienghsienq gou, dinglingz gij cih gou hix caeuz yienghsienq gou ityiengh, “da” hung, “ndaeng” mboep, “bak” iq, aeu song aen cih gyonj hwnjdaej gangj, couh-dwg: Yakyawj.

Lajmbwn lauhei qig gig nanz ra raen boux okseng couh ndaej sij ndei cih haenx. Cih ndei dwg baengh doeklaeng lienh okdaej, mbouj dwg seng couh daiq daej. Vwnzdiz gou lauhei qig couh ok youq cih “lien” gwnzde——lien ndaej mbouj nyinh-caen.

Couh gangj baez singhiz roek gonq sij cozyez gienh saeh neix ba. Lauxsae baeuqcaeq le haujlai cozyez, gou ma daengz ranz, gwn caeuz gvaq, swiqndang catheuj ndaej le, couh dajsuenq sij cozyez lo.

Seizneix cingqngamj daxmeh youq gizhaenx yawj densi. Gwnzde cingq cuengq 《Sae Youz Geiq》, neix dwg bouh hei qig gou muenghdeq haujlai nanz haenx. Aensim gou sikhaek couh deng Sunh Vugungh boux baez dingbyonj couh buet ndaej cib fanh bet cien leix haenx “gaem” bae lo.

Gou doq yawj densi doq sij cozyez. 《Sae Youz Geiq》 boq liux, cozyez gou hix sij liux lo. Sij ndaej baenzlawz, mwngz naemj hix rox lo.

Ngoenz daihngaih, gou gyau

cozyez hawj lauxsae. Lauxsae gaj sat, couh goengbounh ok mingzdan gyoengq boux cih sij ndaej lujlaj, lauxcauj, yakyawj, aeu dauqungz sij gvaq haenx.

Daih’it boux couh dwg gou! Seizhaenx gyaeuj gou “maenj” le yaep ndeu. Moengzloengz ndawde, mbouj rox byawz gangj le coenz ndeu: “Cih Yez Leij sij mbouj ndei lo!”

Gou mbouj rox geij nanzgvaq. Gou caen siengj dawz haemhlwenz swheij doq yawj densi doq sij cozyez gienh saeh neix lwnh hawj lauxsae nyi ha, hoeng gou dauqdaej mbouj gamj gangj ok bak.

“Loek gvaq baez ndeu, lai gvai di ndeu”. Baez ginglig neix hawj gou rox hit: Mboujlwnh guh gijmaz saeh cungj

aeu ciensim, mbouj ndaej lwgda yawj aen neix, ndaw fwngz cix guh aen haenx.

Dangyienz, yienznaeuz seizneix cih gou sij ndaej mbouj suenq ndei, hoeng ceiqnoix dwg caezcingj seuqsak lo, mbouj caiq dwg luenhlablab lo, hix mbouj caiq hawj vunz yawj le gyaeuj-dot lo! Neix dwg doenggvaq gaenx lienh cij ndaej daej. Gou dwg mbouj dwg Lauxvuengz gai gva——gag gai gag haenx ha? Mbouj, neix dwg saedsaeh. Gou saenq, cijaeu laebdaeb nyinhcaen lienh, cih gou itdingh sij ndaej yied daej yied ndei!——Hoeng, yienghsienq gou naengz mbouj naengz hix bienq ndaej ndei di ne?

(bouxij: Yez Leij bouxhoiz: Ouh Caijfangh)



Max iq, maxloeg iq, douq iq cingq youq ndaw ndoengfaex guhcaemz. Seizde lingz iq caeuz mui iq byaij gvaqdaej.

“Lingz iq mui iq, sou bae gizlawz ha? Haxbaenh dou ra sou daej caeuz dou guhcaemz cungj ra mbouj raen.” Maxloeg iq naeuz.

“Dou bae bouqsaw lo, lij cawx ndaej geij bonj saw dem.” Mui iq naeuz.

“Gijmaz saw? Hawj gou yawjywj.” Maxloeg iq naeuz.

“Gou hix yawj!” “Gou hix yawj!”

“Gaej gaenj, gou ok diuz daez he, sou boux lawz dap doiq gonq couh hawj bouxde genj gonq.” Lingz iq naeuz.

“Yienghneix mwngz vaiq gangj!”

Max iq naeuz.

“Gou cawx ndaej song bonj saw, mui iq cawx ndaej sam bonj saw, cienz saw dou dwg ityiengh. Gyaqcienz haj bonj saw baenbied dwg 3 maenz, 5 maenz, 9 maenz, 11 maenz caeuz 12 maenz, gij saw dou cawx haenx gak dwg geijlai maenz?”

Maxloeg iq swnh bak naeuz: “Saw mwngz cawx haenx dwg 11 caeuz 12 maenz, saw mui iq dwg 3 maenz, 5 maenz caeuz 9 maenz.”

Max iq naeuz: “Mbouj deng! Yiengh-neix boux ndeu yungh 23 maenz, lingh boux dwg 17 maenz, cienz song boux mbouj doxdongz.”

Douq iq naeuz: “Gou rox baenzlawz suenq lo. Aenvih haj bonj saw cungjgungh dwg 3+5+9+11+12=40 (maenz), 40÷2=20 (maenz), lingz iq caeuz mui iq cungj dwg yungh 20 maenz……”

Siuj baengzyoux, mwngz rox dapanq dw gijmaz lwi?

(Duz Cauyoz)


Daxmeh Sinhoj Lo

妈妈辛苦了

Moix haemh gou cungj ngaq daxmeh gangj gij saeh gou gig iq gig iq haenx.

“Mwngz ya, seng roengzdaej nyaeuq-nyatnyat, daengx ndang hauswdsd, lwgfwngz oet haeuj bak bae, dwggvaez raixcaix. Lij caengz ndaej ndwen, naj mwngz gig henj, daxmeh daiq mwngz bae yihyen genjcaz, husw daj goekga mwngz cou 4 doengz lwed……” Daxmeh moix baez gangj daengz neix, raemxda couh lae lo. Gou dawz ceij daej bang daxmeh uet raemxda, naeuz: “Meh, mwngz ciengx gou hung, mwngz sinhoj lo. Gou ciengxlwenx gyaez mwngz!” Daxmeh umj ndaet gou youq ndaw rungj. Gou itdingh guh boux lwnyez roxsoq he, lai guh gij saeh gou guh ndaej haenx, bang daxmeh guh hongranz.

(ngeih nienzgaep Vuh Yimingz)



Duzguk Gvaq Giuz Lumz Dwngx Haenx

忘恩负义的老虎

Youq ndaw ndoengfaex geq haenx, miz duz guk caeuz duz meuz ndeu youq gizde youq, duzguk rengz loet yungh mbouj rox caenh, hoeng de cawz le rengz loet, di bonjsaeh he hix mbouj miz, gingciengz coemj mbouj dawz doenghduz, ciengzseiz dungx iek. Duzguk gietdingh hag cungj bonjsaeh ndeu.

Ngoenz he, duzguk yawjraen duz meuz ndeu rox saet rox buet, dinfwngz cibfaen riengjret. Yienghneix de gietdingh baiq duzmeuz guh lauxsae, duzguk goenggoeng gingqingq doiq duzmeuz naeuz: “Meuz sienseng, gou

siengj baiq mwngz guh lauxsae, cingj mwngz son gij bonjsaeh mwngz hawj gou ndaej lwi?” Duzmeuz raen duzguk gouz de, doengzeiq sou de guh lwgsae. Yienghneix duzguk angq raixcaix. Moix ngoenz hwnq caeux haeuj laep riengz saefouh hag bonjsaeh, duzmeuz hix baez bouh baez ciu son de, ginggvaq mboengq seizgan ndeu gaenx hag haenq lienh, gij bonjsaeh duzguk bienq ak haujlai.

Miz ngoenz ndeu, duzmeuz raen duzguk hag ndaej bonjlingx haemq ndei, gietdingh heuh de caeuz saecej guh ciengz doxbuek ndeu, duzguk

yungh gij goengfou henndang saefouh son haenx, hoenx dwk saecej daengjai boemzhoemj, sim’ angq raixcaix. Gvaq mboengq he, duzguk gag rox-nyinh gij bonjlingx swheij ak lai lo. De naemj: “Caenh’ aeu gwngak saefouh bae, swheij couh dwg lajmbwn daih’it lo.” Baez ndeu swngzgei saefouh mbouj haeujsim, duzguk laeglemx byaij daengz henz ndang duzmeuz, baez yat doxhwnj, aj bak coemj bae, duzmeuz lingzsingj haenx baez yawj mbouj ndei, baenq gyaeuj yut din couh buet, duzguk baez dem baez coemj gvaqbae, mwngz buet gou gyaep, caezgya cungj baegfofo, duzmeuz cad deng duzguk gaemh dawz, baezneix, duzmeuz lingzsingj neix bin hwnj gwnz go faex hung ndeu. Duzguk doeksaetyat, doq cam: “Saefouh, mwngz baenzlawz mbouj son gou bouh neix ni?” “Mwngz duz mbouj miz liengzsim neix, gou

haengjdingh yaek louz miz fwngz ndeu, mboujne ienqhoij mbouj gib!” Duzmeuz oksing hemq naeuz. Duzguk youh gikheiq youh simgip, di banhfap cungj mbouj miz, cij ndaej doeknaiq nueknuek deuz lo.

Dou cienfanh gaej hag duzguk gvaq giuz lumz dwngx, yaekaeu roxdaengz docih hoizbauq boux bang mwngz haenx bw!

(bouxij: Sam nienzgaep hagseng Cwnz Yozdwngz Bouxhoiz: Goenggen)

